

Powšitkowne WOZJEWJENJA

njedźelu, 13. junija 2021

Wusyłanje Božemu mšow

Serbskorěčnej Božej mši móža wěriwi tutu njedźelu, 13. junija, znowa jako live-stream w interneće scěhować. Jedna přenjese so we 8.30 hodź. z Kulowskeje, dalša w 9 hodź. z Chróšćanskeje cyrkwy. Linkaj na nej stej w interneće pod www.posol.de a na wosadnymaj stronamaj podatej.

Biskopaj Timmerevers a Bilz přińdžetaj w ekumeniskim zmysle do Budyšina

Na ekumenisku Božu službu z wopomnjenjom swojeje křćeńcy su wšitcy křescenjo a hosćo póndźelu, 14. junija, w 17 hodź. do Budyskeje tachantskeje cyrkwy přeprošeni. Ju swjeća w přihoće na wulki swjedžen k 100. róčnicy znowazałoženja Drježdžansko-Mišnjanskeho biskopstwa njedźelu, 20. junija. Biskop Heinrich Timmerevers a jeho ewangelsko-lutherski sobubratr, krajny biskop Tobias Bilz, chcetaj w Budyšinje a pozdžišo w Deutzenje a Mišnje dobru zwjazanosć wobeju cyrkwjow w Sakskej hódnoćić, na zhromadny křescanski korjeń w swjatej křćeńcy dopomnić a přiběracy wuznam ekumeny wuzběhnyć. Wonaj wopytataj zhromadnje k tutej přiležnosći wšelake ekumeniske zarjadnišća, w Budyšinje Ekumeniski tachantski wobchod.

Jubilejne kemše digitalnje a decentralnje

Ze swjedženskeje Božej mšu w Drježdžanskej katedrali woswjeći Drježdžansko-Mišnjanske biskopstwo njedźelu, 20. junija, 100. róčnicu swojeho znowazałoženja. Wěriwi su přeprošeni, na wšelakore wašnje tute kemše scěhować: z wosadu, doma abo w skupinje. Z pomocu platformy Zoom chcedža wšitke tute městna mjez sobu zwjazać a na wulkich wobrazowkach w katedrali pokazać. Tak poda so w běhu Božej mše „dohlad“ do biskopstwa. Wot 9.30 hodź. je planowany předprogram z digitalnym programom „k scóplenju“ za wšitkich. Swjedženske kemše z biskopom Heinrichom Timmerersom zahaja so w 10.00 hodź. Tute telewizijny scelak MDR live přenjese. Link na internetowu stronu z nadrobnymi informacijemi, tež k trěbnym techniskim wuměnjenjam, nańdu zajimcy pod www.posol.de.

Wotewrjenje wustajeńcy

Na wotewrjenje wustajeńcy k temje „Katolska serbska narodna drasta“ su wšitcy zajimcy tutu njedźelu, 13. junija, w 15 hodź. do Zežiwjenskeho a zeloweho centruma w klóštrje Marijinej hwězdze do Pančic-Kukowa přeprošeni. Planowane su mały kulturny program kaž tež wodženja. Přehladka je hižo dlěje přistupna, njemóžeše pak so koro-nowych wobstejnosćow dla dotal oficielnje wotewrěć.

Młodzinski nyšpor

Dekanatne dušepastyrstwo za młodzinu přepróšuje młodostnych na nyšpor do Róžeńčanskeje swjatnicy. Tutón wotměje so sobotu, 19. junija, w 19.30 hodź.

W Róžeńće modlenje před Najswjećišim

Na modlenje w serbskej a němskej rěči před wustajenym Najswjećišim sobotu, 19. junija, we 18 hodź. su wěriwi do Róžeńčanskeje swjatnicy přepróšeni. Škitne naprawy maja so wobkedźbować.

Mandźelski seminar

Seminar k přihotej na sakrament mandźelstwa wotměje so pjatk a sobotu, 9. a 10. julija, w Smochčanskim kubłanišću swjateho Bena. Přizjewjenja přijimuju so hač do póndžele, 28. junija, jeničce online na internetowej stronje Dekanatneho dušepastyrstwa. Link k wotpowědnemu formularj a k dalšim pokiwam je pod www.posol.de podaty.

Filmy w srjedzišću

Smochčanske kubłanišće swjateho Bena přepróšuje wšitkich zajimcow na dny rozmyslowanja wo filmach. Wone wotměja so wot pjatka do wutory, 23. do 27. julija, pod hesłom „Wosebite stawizny wo ludžoch, kotřiž su hinaši“. Farar Thomas Bohne z Lipska a dr. Peter-Paul Straube z Budyšina budžetaj seminar nawjedować. Filmy maja k rozmyslowanju a meditěrowanju pohnuwać. Modlitwy, rozmołwy a Bože služby dny wudospołnjenja. Zajimcy měli so hač do póndžele, 14. junija, w Smochćicach přizjewić, pak z mejlku na info@bg-schmochtitz.de, telefonisce pod čisłom (03 59 35) 220 abo online. Link je k tomu pod www.posol.de podaty.